

EKINTZAILITZA ETA GIZARTE BERRIKUNTZA PROGRAMA JUSTIFIKATZEKO IRIZPIDEAK 2021

3. ARLOA: ENPRESA-PROIEKTU SOZIAL BERRITZAILEEN HAZKUNDEA ETA ESKALABILITATEA

DIRUZ LAGUNDU DAITEZKEEN GASTUAK

- a) Azterlan teknikoak, eskalabilitateari buruzkoak, eta aliantza edo merkatu berriei buruzkoak.

Honako hauek barne hartzen ditu: eskalabilitate-prozesuari buruzko prozesua, aliantzak identifikatzea eta merkatu berriei buruzko azterlanak eta azterketak.

- b) Kanpoko aholkularitza produktu edo zerbitzuaren industrializazioan, estandarizazioan edo paketatzean.

Aholkularitza-gastuak, erakundeari bide ematen diotenak eskalabilitate-prozesutik eratorritako sor daitezkeen eskaerei erantzuteko. Hau da, azterlanak, modua ematen dutenak ekoizpena industrializatzeko, edo zerbitzua/produktua edo haren metodologia estandarizatu/paketizatzeko, aliatuek edo kideek errepikatu ahal izan dezaten.

- c) Kanpoko beste aholkularitza batzuk, eskalabilitate- edo hazkunde-proiektua garatzeko.

Aurreko puntuetan aurreikusi ez diren aholkularitza-gastuak sartzen dira, erakundearen eskalabilitate-prozesuaren berezitasunetakoren bati erantzuten diotenak: berriro definitzea merkatu berrietan marka edo merkaturatze-prozesua, barruko prozesuak, edo beste testuinguru batzuetarako gizarte-eraginaren eredia.

- d) Azoketara bidaiak egin eta haietan parte hartzea.

Kontzeptu hauek sartzen dira:

- Azoketan parte hartzea: izena emateko gastuak, erakustokien alokairuarenak, jarduera berria aurkezteko gelen alokairuarenak eta prototipoak eta materialak garraiatzeko behar diren ibilgailuen alokairuarenak.
- Joan-etorriak, garraio publikoan eta hegazkinean. Beren-beregi kanpo uzten dira taxien gastuak eta norberaren ibilgailuarenak.
- Garraio publikoa erabiliz gero, bidaia-txartelak aurkeztu ahal izango dira faktura gisa.
- Ostatu hartzea (ostatua eta gosaria). Beren-beregi kanpo uzten dira hotelean egindako bazkariak, telefono gastuak eta gastu estrak.

Proiektuaren taldeko pertsona egindako gastuetarako diru-laguntza emango da, onuraduna pertsona fisikoa zein juridikoa baldin bada.

- e) Gizarte-eragina neurtzeko gastuak

Bizkaiko Foru Aldundiko ekintzailetzarako eta gizarte-berrikuntzarako programaren alderdi hauei buruzko hausnarketa-prozesutik eratorritakoak dira: eragina sortzea;



gizarte-eraginaren neurketari buruzko adierazleen identifikazioa eta lehenespena, eta/edo adierazle horiei buruzko datuen bilketa.

f) Hazkunde-faserako jarritako langileen barruko gastuak edo hazkunde- eta eskalabilitate-proiektuaren arduradun baten kontratazioa.

Kontratazio-kostua ordainsari gordinaren eta Gizarte Segurantzari enpresak egiten dion kuotaren batura izango da.

Aukeratu behar da langileen barruko gastuak edo hazkunde eta eskalabilitate-proiektuaren arduradun baten kontratazioa.

Hazkunde- eta eskalabilitate-proiektuaren arduradunak 2019ko urtarrilaren 1etik eskabideak aurkezteko epea amaitu arte egon beharko du kontratatuta, eta gehienez ere kontratuaren urtebete diruz lagunduko da, betiere ezarritako exekuzio-epearen barruan.

Hazkunde- eta eskalabilitate-proiektuaren arduradunak egiaztatu beharko du aurreko esperientzia duela hedapen komertzialean eta merkataritzako aliatuen kudeaketan edo industrializazioan, estandarizazioan edo paketatzean.

g) Gizarte-enpresa edo gizarte-erakunde berritzaile berriaren kapital sozialaren handitzea edo eskudirutan ordaindutako ondare-ekarpena.

Sozietatearen kapitala edo ondare-ekarpena eskrituran eta eskudirutan ordaindua izan behar dute, eskabideak aurkezteko epea amaitzen denean.

Ezin da diru-laguntzarik jaso inbertsiogile-taldeei, arrisku-kapitaleko sozietateei edo baliokideei dagozkien sozietatearen kapitalaren ekarpenetarako.

EPEAK

Diruz lagundu daitezkeen gastuak burutzeko epea: 2020/01/01etik 2022/12/31erarte.

Fakturak eta ordainagiriak aurkezteko azken eguna: 2023/01/31.

DIRU-LAGUNTZA JUSTIFIKATZEKO AURKEZTU BEHARREKO DOKUMENTAZIOA

Enpresak dokumentazio hau aurkeztu beharko du:

- o Bitarteko eta amaierako justifikazioei dagokien jarduketa-memoria, eginiko jarduerak eta lortutako emaitzak jasotzen dituen, Ekonomi eta Lurralde Garapena Sustatzeko Sailaren web gunean dauden ereduaren arabera (www.bizkaia.eus/ gaiak/ Enpresak eta nazioartekotzea/ Ekintzailtza/ Berritzeko eta sortzeko gaitasuna/ Ekintzailtza eta gizarte-berrikuntza).
- o Gastua 15.000,00 eurotik gorakoa bada (BEZa sartu gabe) eta eskabidea aurkezten denean kontratatu ez badago, egin beharreko lanen eskaintzei buruzko dokumentazioa.
- o Lagundutako jarduerak egiteko kontratuak, behar bezala formalizatuak, hala behar denean.



- o Azterlan teknikoak, eskalabilitateari buruzkoak, aliantza edo merkatu berriei buruzkoak edo eginiko txostenak, hala behar denean.
- o Eginiko aholkularitza-lanei eta haien ondorioei buruzko txostena.
- o Faktura eta dagokion ordainketa-ziurtagiria, dokumentu bakarra erabiliz, diru-laguntza jaso dezaketen gastu bakoitzerako
Dokumentu bakar batean aurkeztu beharko dira 50 eurotik beherako fakturak, hornitzaileen arabera sailkatuta.
- o Hazkunde- eta eskalabilitate-faserako langileen barruko gastuak direla-eta diru-laguntza eskatzen bada:
 - o Gizarte Segurantzaren araubide orokorrean dauden pertsonentzat, kotizazioen likidazioen zerrenda (RLC) eta langileen zerrenda izendunak (LZI), justifikazio aldiari dagozkionak, eta nominetan eginiko ordainketaren frogagiria.
 - o Langile autonomoentzat, nomina guztiak eta dagozkien ordainketen frogagiriak, bai eta justifikazio aldiko autonomoen ordainagiri guztiak ere.
- o Hazkunde- eta eskalabilitate-proiektuaren arduraduna kontratatuzko gastuak direla-eta diru-laguntza eskatzen bada, justifikazio aldiari dagozkion hilabete guztietako nominak eta langileen zerrenda izendunak (LZI).
- o Erakundearen legezko erantzulearen ziurtagiria, egiaztatuzko BEZa ezin dela berreskuratu edo konpentsatu, Foru Administrazioak emandako diru-laguntzen araubide juridiko orokorra arautzen duen 2005eko maiatzaren 31ko 5/2005 Foru Arauaren 29.8. artikuluan ezarritakoaren arabera.

Adjudikatutako diru-laguntza proiektuaren gauzatze-mailaren arabera ordainduko da eta 3 ordainketa egingo dira, gehienez. Lehen ordainketa egiteko diru-laguntzaren %20 justifikatua egon beharko da, bigarren ordainketa egiteko diru-laguntzaren %40 eta hirugarren ordainketarako diru-laguntzaren gainerakoa.

Egindako lanak aurkeztu baino lehen, gastuen zenbateko osoaren %25 ordaindu ahal izango da gehienez. Horretarako, faktura eta ordainagiria aurkeztu beharko dira.

Diru-laguntza jaso dezaken gastua izango da erakunde hornitzaile independenteei azpikontratutatutako lanaren zenbatekoa. Enpresa sustatzaileko langileek edo bazkideek egindako lanak ez dira diruz lagunduko, Diru-laguntzei buruzko maiatzaren 31ko 5/2005 Foru Arauaren 27.7.d) artikuluan ezarritako kasuetan izan ezik.